

Se non existen actividades simultáneas e pódese participar en todas elas solicítase a acreditación global (para o programa ao completo).

Se existen actividades simultáneas e tense que elixir entre participar nunha ou noutra, a solicitude de acreditación é por modalidade (Mesas redondas, conferencias, talleres, etc.), cada alumno recibirá os créditos correspondentes á súa participación real na actividade, polo que debe existir control de asistencia específico para cada sesión. O devandito control debe estar detallado e ser realizable.

Requisitos:

1. Deben ter un Comité Científico e un Comité Organizador.
2. Unha única solicitude cuberta segundo o modelo normalizado.
3. Os talleres ou cursos dentro ou fóra da xornada ou congreso que teñan unha matrícula específica serán consideradas actividades independentes e solicitarase a acreditación por separado.
4. Non se consideran como horas acreditables :
 - As de descanso común a todas as actividades.
 - As de entrega de documentación.
 - As de presentación e clausura salvo que formen parte do contido científico do congreso.
 - As dedicadas á presentación de póster e/ou comunicacións.
 - Os simposios satélites promovidos pola industria, ou calquera outra actividade, que non forme parte do programa científico asumido pola organización.
5. Non se acreditarán actividades de menos de 1 hora de duración.
6. Control de asistencia:
 - Cando se solicite acreditación global e a duración total sexa inferior a 4h, deberase participar no 100% para poder optar aos créditos. Se a duración supera as 4h bastará co 80%.
 - Cando se solicite acreditación por modalidades, deberase participar no 100% da actividade para poder optar aos créditos.
7. Realización dunha enquisa de opinión/satisfacción (acéptase unha enquisa global do congreso e/ou xornada).
8. Cumprimento da normativa de independencia comercial, achegando:
 - Separación das áreas científicas e comerciais.
 - Relación de relatoras con conflito de intereses.
 - Relación de entidades patrocinadoras.
 - Materiais promocionais e docentes.
9. Certificación aos participantes:
 - No caso da acreditación global (sen actividades simultáneas) os créditos reflectiranse no certificado de forma global, pola súa participación na xornada e/ou congreso, sen asocialos a ningunha actividade concreta.
 - No caso da acreditación por modalidades (con actividades simultáneas), a entidade provedora deberá certificar a cada participante a súa asistencia aos diferentes actos acreditados do congreso e/ou xornada, cun só documento, no que constarán as actividades realizadas cos seus créditos.